

24

Q. F. F. Q. S.
SPECIMEN ACADEMICUM,
DE
**ÆTERNITATE
POENARUM**
CUM ATTRIBUTIS DIVINIS
NON
PUGNANTE,
QUOD,
Permittente Amplissimo Senatu Philosoph.
in Regia Academia Aboënsi,
PRÆSIDE
MAXIME REVERENDO atq; AMPLISSIMO VIRO,
**DN. MAG. CAROLO
MESTERTON,**
Log. & Metaph. PROFESS. Reg. & Ord.
Publicæ bonorum censuræ subjicit
EPHRAIM HOECKERT, Joh. Fil.
NEOSTADIO - FINLANDUS.
In Auditorio Maximo, Die I. Aprilis, MDCCCLII.
H. A. S.
ABOÆ, impressit DIRECT. & Typogr. Reg. Magn. Duc.
Finland. JACOB. MERCKELL.

VIRO plurimum Reverendo atque Preclarissimo,

D_N. JOHANNI HÖECKERT,

FASTORI Ecclesiae quæ Christo Neostadii colligitur
meritissimo vigilantissimo,

PARENTI OPTIMO,

Sancero affectu nunquam non colendo.

Ut munus hocce levidense , Tibi Parens charissime , præ
alio, offeram, stupend , que in me omni tempore contul-
si beneficia Paterna b. e. summa. Tot tantisq; Tuis au-
tius donis, merito doleam, quia non habeo, que in vicem illo-
rum Tibi rependam, aut digna gratitudinis loco sistam. In-
terim spero, munus hocce chartaceum , devotum meum ani-
mum interpretatum iri , donec gratias invenero. Accipe illud,
accipe inquam fronte serena , manu benevola , ut studiorum
meorum Academicorum primitias , quis gratissima mens , affe-
ctu inexplicabili offert. DEUS Te in longam conservet etatem
salvum & incolumem, quo gaudeant anni mei , & exultent stu-
dia , ita ut tandem maturitate , suavem , in DEI gloriam ,
Tibi monstrare queant fætum. Sic vovere non desistam , do-
nec hac tellus me hospitem alit. Permansurus ad ciperes

TUUS

obedientissimus Filius,
EPHRAIM HOECKERT.

Nobilissimo atque Amplissimo VIRO,
D^{N.}. THURE HAGERT,
PROCONSULI Neostadii spectatissimo, aequissimo,
FAUTORI CERTISSIMO.

Cum ita tulerit studiorum meorum & etatis ratio, ut specie-
mine aliquo publico, vires ingenii non tantum experiar ipse,
sed & aliis qui rerum mearum commendatione tanguntur,
eam ostensem; materiam hanc de æternitate pœnarum cum
attributis DEI non pugnante, haud temere nec inconsiderate,
ingenii Tui scrutinio submittere Nomineq; Tuο ornare consti-
rui. Non saltem in devotionis mee tesseram, quam tenor debiti
mei, pro favore quo me semper amplexus es, mihi injunxit; sed
etiam ut dissertatio hec nomine Tuο insignita sese impensius Le-
ctori commendaret, hoc factum esse erendas. Imo spem mibi facio
indubiam, dum basce primitias Tibi concessero, me etiam per favo-
rem Tuum benigne promotum iri. Accipe itaq; munusculum hoc
quamvis leve. Fatendum sane est, hoc exercitium, non ea quidem
curiositate, qua eiusmodi maximi ponderis argumentum tradi me-
rito debet, a me literis esse consignatum; hoc enim commendandum
existimo iis, quos prolixus usus, rerum præterea variarum exacta
cognitio fecit disertos, sed brevitate simplici & cum tenui mei inge-
nii facultate conveniente. Tu autem ea que in summa hac festina-
tione in chartam conjecta sunt, boni consule, pro solita Tua huma-
nitate Tibi persuadens, imbecillitatem ingenii & imperfectum la-
borem, non lacerandum sed excusandum esse. Quod si feceris, non est
quod plus solenni votorum formula poscam. D^Eus Opt. M. valetudi-
uem Tuam in Nestoris annos sartam tectamq; conservet! Quod de-
bita deputatione sentiendo adhuc copiosius quam loquendo exoptat,

NOMINIS TUI

cultor humillimus,
EPHRAIM HOECKERT.

VI

Virtute Conficuis

D_{N.} HENRICO SONCK,
CONSILIARIIS CIVITATIS

VIRO spectatissimo atque Adcuratissimo,

D_{N.} ABRAH. SONCK,
Tabularii quod Raumoæ est INSPECTORI
Perindustrio.

VObis Patrui ac Benefactores aeternum colen-
pera mea qualitercumque elaboratum vultus
ster in me singularis eundem sibi vendicat.
Ego me, ut in presentem usque diem laudabili-
volentia Vestræ aura prosequi hanc dedignamini.
nunquam intermittit

NOMINUM

cultor ob.
EPHRAIM

RIS,

& Spectatissimus

JOHANNI NORMEN,

Raumoënsis æquissimis.

VIRO Prudentissimo atq; Maxime Industrio,

D_N. JOHANNI RAHGO,

MERCATORI Raumoënsium
Adcuratissimo.

di , hunc laborem sacratum volui , non quod o-
Vestros subire , dignum censeam : sed favor Ve-
Accipite ideo benigne , hoc quicquid sit muneris,
ter svevistis , etiam in posterum , ejusdem bene-
Pro Vesta salute devoutissima fundere suspiria

VESTRORUM,

servantissimus,
HOECKERT.

HANDELSMÄNNERNE i Nystad,
Ähreborne och Högwälachtade HERRAR,

**ANDREAS RIWELL,
ANDERS PETTEX,
GEORG YLÉN,
HENRIC
DONCKELBERG,**

Kramhandlare thersamma städes.

Och

HERR HENRIC RIWELL,

Samtelige mine Herrar Wälgynnare.

Edra wälgierningar, mine Herrar, emot min k. Faders hus, hafwa warit många, och ej litet banat vägen til min-upkomst. Skulle nu alt detta af mig förtigas; då kunde jag med rätta anses för en otacksam, och all wälgierung owardig. At derföre undwika alt detta, och tillika betyga min rena och ofärgade högachtning för Eder, har jag tagit mig friheten, at åt Eder upoffra denna magra dicht. Om J nu, gunstigt uptagen henne, icke som någon wedergällning för åtnjuten godhet, utan som et prof af et tacksamt sinne; skal jag anse det som en försäkran af Eder Gunst emot mig framdeles. Emedlertid skola mine fuckningar altid gå derpå ut, at den Högste måtte uppehålla Eder wid en beständig hälsa, wälsigna Edert företagande, och således giöra Eder fälla i tiden och i ewigheten.

Mine HERRARS

ödmukhörfamme tjenare,
EPHRAIM HOECKERT.

JESU FAVENTE!
PRAEFATIO.

Quidam eorum qui urgent cessationem pec-
narum, inter alia statuunt Justitiam pu-
nitivam non dari in DEO, omnique
illud quod alias poenæ nomine venit,
sive malum illud triste ad dolores peccatoribus
preferendos nonnisi ceu remedia sive medicamen-
ta considerant, quibus DEus ceu mediis utitur ad
hominem a peccati morbo sanandum iterumque
felicem ac beatum reddendum. Prolixum nimis
foret omnes absurditates, quibus thesin suam cor-
roborare nituntur, in medium proferre. Hanc ve-
ro doctrinam absque salutis detrimento affirmari
& credi non posse, tollit etenim, ut cetera ta-

A

ceam,

30

ceam, satisfactionis Christi & necessitatem & veritatem, nemo non videret. Habent quidem Hypothesos hujus Fautores quod regerunt; sed hoc, utpote ab instituto alienum, ut percenseamus, non stat animus. Cum tamen dogma illud, de cessatione poenarum ita sit comparatum, ut hodie adhuc haud parvus illorum extet numerus qui illi favent; Hinc institutum nostrum fuit, ut in praesentibus pagellis, pro ingenii modulo ostendamus Justitiam punitivam non solum DEO competere, verum etiam, poenam, ut in aeternum maneat, cum attributis Divinis minime pugnare. Idque methodo qua fieri potuit facilissima. Tuum est, Cand. L. ea quae scripta sunt de nobilissima hac materia, benevolè in bonam partem accipere. Laboravi quidem ut omnia optime illustrarentur, sed si alicubi eosque angustum meum ingenium non potuit aliuscere, ut subtilitas argumenti postular, excusatum me habebis, cum temporis brevitas non permisit mihi diu de hac materie meditari.

§. I.

Poena qua DEus homines afficit, imprimis consistit in negatione & privatione bonitatis suæ.

Hinc liquet a parte DEI positivo actu non opus esse quod malignos excruciet; unde non est ut affligat agendo, sed sufficit, ut non continuet bonitatem suam, in cuius absentia, omne malum comprehenditur.

Quando dicimus poenam esse meram privationem, propterea penam sensus minime negamus, nam illam ex *pœna damni* necessario oriri, constat. Poena etenim ita comparata esse debet ut Judice digna sit h. e. ut magnitudo ejus ex ipsa Judicis natura fluat, quæ *pœna damni* vocari sivevit.

Quomodo *pœna damni* poenam *sensus* pariat, paucis ostendere lubet: quo major & quo melior ille est in cuius indignationem incurrimus, eo majorem sentimus nos fecisse jastram, quod favorem ejus amissimus ejusque indignationem accersiverimus; sic, novimus nos destitutos esse omni bono, adeoque stultorum nos maximos esse, eoipso quod nobis conscientiam nos DEum fontem omnis boni neglexisse. Talia cogitare non possumus, quin nobis ut mala obversentur, quæ in *penam præcipue damni* degenerant. Augebitur autem *pœna* hæc, si consideremus: nos propria culpa ex omni fruitione tam amabilis Creatoris excidisse; DEum fontem omnis lucis & vita non recte cognoscere neque amare, ipsissimam esse mortem; conscientiam mortis hujus esse longe molestissimam & quæ alia. Si cogitationes tales intenduntur & multiplicantur absque cessatione, quantam ægrimoniam, fui indignationem atque horrorem, inde enascentem pudorem atque dolorem creent, dici vix potest. Et hoc modo *pœna damni* & *sensus* conjunctæ sunt. "Celeb. Stapferus in Theol. Polem. Part. I." cap. III. §. 590. nexus hunc explicaturus exemplo rem illustrat: "Si, inquit vir acutissimus, Sol nobis auferretur, neque

neque ejus luce neque calore amplius frui possemus , quanta miseria inae nascetur , quante quarimonie , tenebra , sensus frigoris ; terror maximus & alia , si nulla amplius affulgeret spes nos porro grato ipsis calore atque luce fruituros esse ; esset ergo meritis actus negativus & privatio ; aegumen maxima mala , imo sensus magna miseria hancce privationem comitarentur .

§ II.

Quoniam Malum morale sit verum Malum , malum vero respectu nostri id dicitur , quod statum nostrum imperfectiorem reddit ; intelligitur , Malum morale per naturam suam statum nostrum reddere imperfectiorem . Ut posito Malo morali , ponatur status nostri imperfectio . Cum ergo haec status nostri imperfectio appelleatur Malum Physicum ; apparet Malum Physicum cum morali naturaliter connexum esse . Et qvum Malum Physicum quatenus consideratur ut naturalis effectus Mali moralis dicatur Pœna ; intelligitur , Pœnam cum malo Morali naturaliter conjunctam esse .

Ratio , cur homines patrato Malo morali , non statim in omni sua intentione Pœnam sentiant , est ; quia ejusmodi tristes representationes Voluptatibus carnalibus , quibus immersi sunt , adhuc suffocantur ; quia nondum omnis evadendi spes evanuit ; aut quia peccator in corde suo dicit , non esse DEum mali execratorem ; aut aliis cogitationibus vanis sibi blanditur . Audiamus Celeb . J. G. Reinbeckium qui hanc item præclare : Quod hoc in mundo homines impii , inquit ,

num statim non sentiant, hoc quidem inde est, quod abhuc hoc in mundo certa habent objecta, in qua vagum ipsorum desiderium ferri, & in quibus aliquo modo acquiscere possunt, &c. vid. Ejusd. Tractat. de redempt. per lytron Part. I. §. 84.

§. III.

Justitia punitiva dicitur, qua poenæ decernuntur & irrogantur male facientibus.

§. IV.

Justitia punitiva tam naturalis DEO est ac ipsa sapientia. Demonstratur.

Nexus rerum sapientia divina constitutum esse, notum est. Datur nexus naturalis inter peccatum & poenam (§. 2.) Cum vero nexus rerum a Sapientia Divina pendeat, vi cuius effectu naturali, unum sit propter alterum, & ex antecedentibus consequentia ponuntur; E. etiam nexus ille, quo effectu naturali Poena ex Peccato sequitur, per Sapientiam Divinam factus est. Actio illa, qua DEus vult, ut poena sequatur peccatum vocatur Justitia punitiva (§. 3.) Hinc irrogatio Poenæ per Sapientiam Divinam decernitur; patet ergo, Justitiam punitivam DEO tam naturalem esse ac ipsam sapientiam.

§. V.

Justitia punitiva est attributum DEI. Demonstr.

Voluntas DEI est perfectissima & appetit optimum. Unde eadem semper aversatur omne malum. Quicquid autem DEus aversatur, illud non potest amare. Absentia amoris, cessationem exercitii bonitatis requirit; in qua poena consistit (§. 1.) Hinc DEus propter voluntatem suam non potest non omne malum odio habere h. e. punire. Decretum de poena malefacienti irroganda, vocatur Justitia punitiva (§. 3.) patet Justitiam punitivam ex voluntate DEI, quatenus perfectissima, non posse separa-

separari, adeoque ac voluntas perfectissima ab Essentia DEI minime sejungi. Attributorum nomine veniunt, quæ in Essentia rationem suff. habent, vel ab eadem separari nequeunt. At Justitia punitiva ita (per demonstr.) Ergo Justitia punitiva est attributum divinum.

§. VI.

Per summam DEI perfectionem nihil aliud intelligimus, quam omnem Divinitatis plenitudinem, quæ in completu omnium attributorum consistit.

§. VII.

DEus quicquid facit, idem refert ad omnia
sua attributa. Dem.

DEus vult & facit quod tum in se, tum in relatione ad
se ipsum, optimum est. DEus est Ens sibi sufficientissimum.
Hinc, respectu ejus nihil potest dici bonum, nisi quatenus per-
fectionis ejus signum est. Perfectio DEI consistit in complexu-
attributorum (§. 6.) sequitur DEum in omnibus suis Negotiis
respicere omnia sua attributa, vel quod perinde est, negotia
referre ad omnia attributa.

S. VIII.

Tempus beneficiandi non est futurum sed præ-sens seculum. Demonstr.

Si futurum seculum seu post discessum e hac vita tandem esset tempus felicitatem promovendi bene agendo; Deus sine ratione aliquid ficeret, adeoque frustra hominem hunc in mundum posuisset. Quod cum sit absurdum; patet, tempus beneficiandi non esse futurum sed praesens seculum.

S. IX.

Captivi infernales in æternum peccant. Den.

Tempus, quod occasionem illis præbuit felicitatem suam quærendi, jam elapsum esse, haud ignorant. Hinc nullum illis amplius superest motivum, voluntatem eorum ad benefaciendum determinans. Homo autem nihil facere potest sine motivis, patet, captivos infernales non posse facere quod bonum esset, in aprico ergo positum est, eos male facere h. e. peccare. Et quoniam in æternum in inferno maneant, sequitur eos in æternum peccare.

Hicce nunc præmissis ad ipsam veritatis hujus demonstrationem nos accingimus; cum autem temporis & loci angustia nos, omnia quibus veritas hæc stabiliri potest percensere, prohibeat; paucis tantummodo argumenta ista, quibus hypothesis suam tueri satagunt adversarii, refutando percurrere lubet. Et quoniam Theodosios suæ demonstrationem petunt a bonitate Divina; inde merito ordiamur.

Justitia punitiva Bonitati Divinæ non repugnat. Dem.

DEus nihil facere potest nisi respectu habitu omnium suorum attributorum (§. 7.) unde nihil facere potest quod cum aliquo attributorum consistere nequit. Justitia punitiva est attributum DEI (§. 5.) hinc nihil facere potest quod Justitiaz punitivæ contrariatur. Quoniam vero DEus per Justitiam puniti-

vam irrogat poenam male facientibus (§. 3.) irrogatio poenae bonitati DEI conformis : alias per unum attributum aliquid faceret quod alteri repugnat quod absurdum.

Quod æternitatem poenarum cum bonitate divina &c. non pugnantem, attinet, infra speciali propositione illud evictum dandum.

§. XII.

Justitia consistit in studio suum cuique tribuendi.

Apparet itaque Justitiam DEI non ita concepiendam esse, ac si Deus maximo rigore ac severitate nobiscum ageret ; sed hanc Divinam perfectionem non nisi ipsam ejus bonitatem sapientiae attemperatam esse ; adeoque in summa æquitate considerare.

§. XIII.

Irrogatio poenarum malignis, cum Justitia DEI non pugnatur. Dem.

Per Justitiam suam Deus cuique suum tribuit. (§. 12.) Hinc summa quæ in DEO est Justitia requirit, ut iis summam suam Bonitatem non exhibeat, qui non modo eam non cipiunt, sed & contemnunt & aspernantur, in quo etiam poena consistit. (§. 1.)

§. XIV.

Ut peccatores poenas luant, cum Misericordia DEI convenit. Demonstr.

Perfectio Metaphysica consistit in consensu plurium a se invicem distinctarum in uno. Attributa DEI, quatenus est Ens perfectissimum, pulcherrime conspirant ; hinc quod uni convenit non contrariatur alteri. Bonitati (§. 11.) Justitiae (§. 13.) non repugnat ut poena peccatum sequatur. Ergo nec Misericordia Divina.

§. XV.

§. XV.

Per Divinum amorem intelligitur, aut aliquid absolutum ac Essentialis in DEo, quatenus DEus semetipsum, sive omnes suas perfectiones amat; aut intelligitur aliquid relativum ad Creaturas: hoc autem sensu amor DEI nihil aliud est quam ipsius Bonitas, quatenus illam cum creaturis communicat.

§. XVI.

Neque Amori DEI adversatur, ut pertinaces peccatores poenas subeant. Dem.

Amor DEi erga Creaturas nihil aliud est quam ejus Bonitas (§. 15.) unde ad ea hic recurrendum, quibus poenarum irrogationem cum bonitate DEi non pugnare ostendimus (§. 11.)

Non inconfutum duximus hæc uberioris demonstrare.

Amor DEi proprie non nisi in ipsum DEum fertur, ipse enim non appetere potest nisi perfectissimum, ut adeo proprie non nisi semetipsum amet. Unde DEus, omnes in perpetuum sui osores & in perfectiones ipsius injurios manentes, in æternum amare non potest, sed necessario omnem eis amorem ac beatitudinem denegare, in quo summa poena consistit. (§. 1.)

§. XVII.

Ut peccatores poenas sustineant, non impedit Sanctitas Divina. Dem.

Per sanctitatem suam DEus amat omne perfectum, omnemque odit imperfectionem. Bonum dicitur, quatenus habet perfectionem, malum autem quatenus imperfectione laborat. Peccatum est malum; Ergo etiam involvit imperfectionem, (DEUS per sanctitatem suam nullam amat imperfectionem per demonstrata) sequitur, DEum propter sanctitatem suam, homini, propter

propter peccata omnem subtrahere amorem ac bonitatem,
adeoque eum punire. (§. 1.)

§. XVIII.

**Ut peccatores puniantur, cum Sapientia DEI
conspirat. Demonstr.**

Justitia punitiva DEo tam naturalis est ac ipsa sapientia;
(§. 4.) unde per sapientiam suam summam DEus non potest non
punire peccatum. Ergo Poena qua peccata puniuntur non
potest cum Sapientia DEI pugnare.

§. XIX.

**Complexus attributorum Divinorum, quatenus
a Creatura rationali cognoscitur dicitur Gloria DEi.
Unde Gloriam tuam manifestare dicitur DEus, qua-
tenus attributa sua hominibus revelat.**

§. XX.

**Ut poenam ferant male facientes, cum Gloria
DEI congruit. Demonstr.**

Etenim nec Bonitati (§. 11.), nec Justitiæ (§. 13.), nec Mi-
sericordiæ (§. 14.) nec Amori (§. 16.) nec Sanctitati (§. 17.) neque
Sapientiæ Divinæ (§. 18.) adversatur Justitia punitiva. Hæc au-
tem omnia simul sumta constituunt Gloriam DEI (§. 19.). Hinc
neque Gloria DEI contradicit, ut peccatores poenas iuant.

§. XXI.

**Cum sic breviter in antecedentibus evicerimus
Justitiam punitivam cum attributis Divinis non pu-
gnare; ordinis & instituti ratio videtur postulare,
ut, aeternitatem poenarum iisdem non aduersari,
paucis ostendamus.**

§. XXII.

S. XXII.

DEus salva sua iustitia sive æquitate peccata in æternum punit. Dem.

Etenim peccatores in æternum peccant, (§.9.) unde justum & æquum est, ut etiam in æternum puniantur.

S. XXIII.

Non desunt qui existimant peccatores in æternum non peccare; adeoque urgent DEum æquitatem suam lædere æternitate pœnarum, quatenus inter peccata brevi temporis spatio imo momento temporis commissa, & æternam eorum pœnam, nullum plane proportionem videre nequeunt. Sed illis respondemus: Si concedere nolunt, peccatores in æternum peccare, sciant, omnia peccata licet minima & in punctulo temporis commissa, tendere ad læsionem summæ & infinitæ quæ penes DEum est Majestatis; unde peccati gravitas æstimatur non ex sceleris duratione, sed ex personæ, contra quam commititur, dignitate. Celeb. Stapferus nodum hunc similitudine quadam pulchre solvit: "Quis nescit, inquit, in foro etiam humano" proportionem pœnæ neutiquam a sceleris duratione" delumi, siquidem crimen unico momento patratum" per omnes vitæ dies luendum sit, qui unicum læsæ" Majestatis crimen commisit, aut dirissimo mortis ge" nere interficitur, aut per totam suam vitam ex regno" illo exul fit, aut ad omnes vitæ dies carceri includitur." Quidni, pergit vir acutissimus, etiam DEus salva sua" summa æquitate, eos, qui in Civitate sua sunt rebel" les,

"les, per omnes vitæ eorum dies, h. e. in omnem æ-
ternitatem ex civitate sua ejicere posset.

§. XXIV.

**Æternitas pœnarum nulli attributorum Divino-
rum contradicit. Dem.**

DEus in omnibus suis negotiis respicit omnia sua attribu-
ta (§. 8.) h. e. nihil facit quod cum aliquo attributorum pu-
gnaret. Unde, in peccatis in æternum puniendis, nihil fa-
cit, quod cum aliquo attributorum consistere non potest, at
cum Justitia DEI non pugnat, irrogatio Pœnæ (§. 22.) Se-
quitur, decretum DEI de peccatis in æternum puniendis cum
omnibus attributis divinis convenire.

§. XXV.

**Æternitas pœnarum neque cum Gloria DEI
pugnat. Demonstr.**

Etenim nulli attributorum contradicit (§. 24.) quæ omnia
simil sumta constituunt Gloriam DEI (§. 19.) apparet, æterni-
tatem pœnarum cum Gloria DEI non pugnare.

§. XXVI.

Hic jam operi huic finis imponendus. Materiæ
sublimitas quidem nos, in tam ardua re pertractanda,
juberet esse prolixiores; sed curta nostra supplex &
rerum necessiarum inopia, qua premimur, plura
persequi prohibet. Si in hac dissertatione, sæpiissime
humani quid passus sum, cogites B. L. talem me
esse, qui facilius aliorum quam pro-
priis ignoscam erroribus.

SOLI DEO GLORIA.